

デジタル復刻版「作陽誌」

「倭文庄編」

編纂者 美作國津山藩森中将家家臣 長尾隼人勝明
編纂年 東山天皇朝 元禄二（1, 686）年

Digital Re-mastering by Mignon M. Mazda 松田 實

－初めに必ずお読み下さい－

1. この〔デジタル復刻版「作陽誌」「倭文庄編」〕（以下、本書）は、著作権に関し日本国の著作権法（昭和四十五年法律・第四八号）の適用を受けます。
2. 復刻者は、本書が貴重な郷土史資料の復刻版であり、郷土史を考えるすべての人が利用出来るならば、本書は公共の福祉の増進に役立つと考えます。
それ故、個人若しくは公共機関及び組織が、研究用の資料として本書を利用する場合、原則として無償で一般に公開します。
3. しかしながら、上記第2項に該当しない例外行為、例えば利潤を目的とする本書の複写や配布などは、その多寡を問わず復刻者の承諾が必要ですので、必ず御連絡・御相談をお願いします。
4. 「作陽誌」原本には、「漢文遣いの使用」、「旧字体漢字の使用」、「誤字・脱字・冗字等の間違い」、「事実関係の誤認」並びに「いわゆる『不適切用語の使用』等の問題点が、ある程度存在します。
5. 復刻者は、本書をできる限り原本に忠実に復刻しましたので、上記第4項に述べる問題点の責任を一切負いません。本書の利用者は、これらの問題点に特に留意し、あくまでも自己責任にて御利用下さい。
6. 上記すべての項目に関して、復刻者と連絡をとる必要があると思われる方は、まず復刻者まで御一報をお願いします。

－ 以 上 －

著作権表示

〔デジタル復刻版「作陽誌」「倭文庄篇」〕

デジタル再入力 2005（平成17）年11月27日

Copyrights All Reserved by Mignon M. Mazda 2005 「松田 實」

久米郡北分縣邑部

倭文庄

倭文元繩名神事用之見延喜式等古昔諸国織倭文爲貢物是故他方亦以倭文爲地名或爲神社名者間有之本州倭文錦織兩庄相並亦由此山城國加茂社記載堀川院寛治四年以美作國倭文河内便保庄爲加茂御祖別雷兩社之御厨云々以故至今競馬會第一番之馬名倭文詳神社部大永元年岩屋城主中村大和守則久倭文庄代官職之請文曰

賀茂御領美作國倭文庄代官職之事申附る御補任被成下畏入存候然間御公用任御月宛之帳文之旨毎年百捌拾貫文運上可申就中諸公事物社役仕夫一人現夫又一人代壹貫百文等沙汰可申候請切申候上者不熟損亡之儀相違有間敷候萬一不法懈怠之儀候者雖爲何時可有改易候其時公私に付而一言之子細不可申候仍請文如件

大永元年十二月十日

中村大和守則久 判

賀茂神社主森殿參

右本書在上賀茂社

- 奥山手村 興埴和庄通谷村地勢相接自西川濱至府五里十八町自同所至大庭郡界幸岩一里租稅五百七十四石 [水田百八拾七石九斗・陸田三百八十六石一斗] 戶數百八十五烟人數千九十九人 [男五百九十八人・女五百一人] 此村有倉廩納奥山手村中山手里村山手公文北村同南之公稅水濱有番所
- 中山手村 延寶二年分爲里村奥村租稅九百三十石八斗 [水田五百二十三石三斗・陸田四百七石五斗]
- 里村 自崩谷至府四里十町租稅本數之内戶數百十戶烟人數五百九十三人 [男三百十九人・女二百七十四人]

- 奥村 自當免至府四里二十町租稅本數之内戸數百八烟人數七百六十六人
[男三百九十八人・女三百六十八人]
- 山手公文村 寛文九年分爲北村南村租稅九百八十八石七斗 [水田五百七十六
石六斗・陸田四百十二石一斗]
- 北村 自友重堂至府三里十八町至西川濱二里半此道有盛上阪租稅本數之内
戸數八十四烟人數四百七十八人 [男二百五十六人・女二百二十二人]
- 南村 自近眞至府三里十二町租稅本數之内戸數百五烟人數五百十二人 [男
二百七十八人・女二百三十四人]
- 里公文村 自善福寺至府二里七町租稅八百一石二斗 [水田五百三石七斗・陸
田二百四十七石五斗] 戸數六十四烟人數四百十四人 [男二百二十
四人・女百九十人]
- 油木村 寛文五年分爲油木北方村南方村同十二年分爲上村下村租稅千三百十
二石八斗 [水田千七石八斗・陸田三百五石]
- 北方村 自末石至府三里二十八町租稅本數之内戸數六十七烟人數四百五人
[男百六十五人・女百四十五人]
- 下村 自八幡社至府二里二十五町租稅本數之内戸數二十三烟人數百四人
[男五十二人・女五十二人]
- 上村 自岩立至府二里三十一町租稅本數之内戸數五十烟人數二百八十九人
[男百五十二人・女百三十人]
- 福田村 寛文九年分爲上村下村租稅六百二十六石七斗 [水田四百九十七石二
斗・陸田百二十九石五斗]
- 上村 自小瀧至府二里二十一町租稅本數之内戸數四十七烟人數二百八十四
人 [男百四十人・女百四十四人]
- 下村 自宗正至府二里十二町租稅本數之内戸數二十九烟人數百六十三人
[男八十三人・女八十人]

- 桑村 延寶二年分爲上村下村租稅七百十七石一斗〔水田五百九十二石六斗
・陸田百二十四石五斗〕
- 上村 自久國渡至府二里二十二町租稅本數之内戸數二十四烟人數百五十七
人〔男九十七人・女六十人〕
- 下村 自岡前至府二里十五町餘租稅本數之内戸數五十六烟人數三百一人
〔男百六十四人・女百三十七人〕
- 戸脇村 自時成至府二里七町租稅四百三十二石二斗〔水田三百五十九石七斗
・陸田七十二石五斗〕 戸數三十烟人數二百四十人〔男百十七人・女
九十七人〕
- 神代村 自大濁至府二里十八町租稅四百四十一石七斗〔水田三百三十八石八
斗・陸田百二石九斗〕 戸數五十七烟人數三百二十三人〔男百七十八
人・女百四十五人〕

(以下、郷外他庄關係記事の爲省略)

久米郡北分山川部

倭文庄

中山手堡 在中山手南村或号江原城南麓至頂二百間許西北七十間餘東有峻阪長百八十間懸崖嶂壁尤爲要險山上有井焦旱無涸永正之末江原和泉守佐次領倭文庄初城于此子又四郎久清孫兵庫介親次相繼處此後宇喜多秀家加封親次於大庭郡因遷篠向城無嗣而絕事見江原寺下

銀山 在山手公文村打木澤古產銀鑛無幾而廢鑛窟尚存傍有石佛

休屹 在同村坂長四町三十間盡頭曰休屹屹東屬油木村

盛上山 在同村江原氏每田此因一名曰獵集山頭望見播廣備前備中伯耆

圓宗寺山 在里公文村樹林蒼鬱往時毛利左近亮者構此山及平福營 [在同村] 興苦西郡目崎城主相爭左近遂敗死今阡陌之間有假屋畑幕等名

山尾崖 在油木北方村崖高方十二丈昔有二女曰天野御前龍野御前修真于此遺跡尚存

江原堡 跨油木村山手公文村山高百九十間周匝千三百九十七間江原兵庫助構之

明大寺山 在油木上方村末兼巍峨倚天近邦皆見上有龍馬蹄跡留于石面驕陽歲祈此

傍示屹 在倭文庄福田村併和庄小山村間阪長二十町群山山列山施頭有傍示樹去府二里半望之杳遠如畫

須久毛山 在桑下村昔物部肩野某宅斯礎石尚存

附 同村有入道山山上有天狗松

幣山 在桑上村昔每年九月十三日倭文五社神輿集此地多祭禮今盡廢祠宇華表等尚遺柱礎雲樹啼鳥差興人意矣

愛宕山 在神代村不知所以名焉

- 西川 庄奧山手村上從大庭郡河内庄下見村流來此村端下入堺和鄉通谷村濶大抵可五十間水則五尺興真島郡旦土村相對舟行通江口有番所又有倉廩收納奧山手村中山手里村山手公文北村南村之公稅米吏計度送于備前自轉漕之大阪 [附 奧山手村谷川四條一溪出於中山手里村 {此川在里村則曰鷓拖川有銚子淵捨子淵} 二溪出於中山手奧村 {出於中山手奧村笹此當免谷一出同村薦田谷} 一溪出於此村皆注入西川]
- 山手川 山手公文南村有奧谷川桑井川龍谷川源出於山手公文北村三川相合流入中山手里村 里村有岸谷又有一條自堺和鄉上口村來於此村內注本流爲之山手川下入堺和鄉通谷村會于西川 [附 山手公文南村瀧谷川有佛淵或曰佛瀧水勢甚雄奔越巖崖噴漲喧豗有潭約深二丈亘一丈橫五丈謂之佛潭傍有岩窟廣方丈最沖深窟中有石縫內嵩度之深遠難究相傳石縫中有觀音地蔵全像及花瓶香案等今並不見往年邑一年少夏日浴潭不自覺入小洞行數十步觀洞中空豁可容千万人巨石掣水地狀甚佳鑿一石膏高曠如堂室皆神劉鬼巧不可言膏中安金仙數數十軀佛具雜器森列其前舉以金製之四願窈冥寂寞真非人境年少具視且怪且恐復自故洞口出還家語之鄉人群來索之洞口縫縮不可入云今驕旱之歲公文之民祈此鰻鱸有耳者浮出則不出三日而必雨每以爲候佛潭下有斤潭昔日樵者墜斤潭中入水搜之不見乍有水鬼攫樵而沒其後時々有怪
- 倭文川 源發油木上村末未經油木上村油木北方村里公文村桑上村桑下村戶脇村而入錦織鄉此川在油木村則一名前川 [附 諸溪油木上村下村有大原川 {出於油木上村岩立谷} 油木北方村有木舟川山尾川里公文村有公文川 {出山手公文北村深山谷} 福田村有八社川 {出於福田上村榜示此} 依田川 {出於福田上村由須利入八社川此川有四潭名曰淵杵淵箕淵櫛淵旱災土民決白淵水投以牛骨舞咏必得大膨} 皆於處々注入倭文川]

打穴川 上從下打穴村來到戶脇村會倭文川此處曰落合下入錦織鄉

(以下、郷外他庄關係記事の為省略)

久米郡北分神社部

倭文庄

大宮 在桑上村上村下村之氏神也所祭輿山城國加茂大神宮同古昔堀川院馭
寓美作國倭文庄河内庄始成加茂神領爾來每年輸神稅以備競馬會是以
庄内亦勸請加茂御祖別雷爲大宮倭文神社民間有世號守岡德岡松岡者
傳言其祖皆加茂之產而宰神事來此矣凡倭文五社者一桑村二戶脇村天
神三公文村高津神社四油木村倭文神社五同村兒神社是也每年九月十
三日五社神輿集于幣山〔在桑村或名祭禮場〕是名倭文神行今以五社
皆勸請加茂其中有未解者然不以膚見強爲之說也按加茂社記曰堀川院
寬治四年七月十三日加茂御祖別雷兩社被奉不輸田若干依神稅不足也
又分置御厨於諸國上鄉大納言經信辨爲奉行撰之總四十八箇所云々
源賴朝書曰

下諸國

可早任院廳御下文停止方々狼藉備進神事用途加茂別雷社御領庄園事
近江國 以下國字略之 舟木庄 以下庄字略之 安曇河御厨

美濃	脛長			尾張	高畠	玉井		
三河	小野田			遠江	比木	笠名郷	落合濱	
丹波	由良	私市		攝津	米谷			
播廣	安志	林田	室鹽屋御厨	便補保				
美作	倭文	河内	便補保	備前	山田	竹原		
備後	有福			伯耆	河星	稻積		
出雲	福田			伊豫	菊方	佐方		
周防	伊保	矢島	桂島	籠戸關	和泉	深日	宮作	
淡路	佐野	生穂			紀伊	紀井濱御厨		
阿波	福田				能登	土田	桃浦	

若狹 宮川 矢代浦 加賀 金津

越中 新保御厨

右肆拾貳箇所神領任院廳御下文停止方々狼藉武士等濫吹如元可備進神事用途若不恐神威不用院宣者慥可處重科之状如件以下

壽永三年四月廿四日

正四位下源朝臣

右本書在加茂又有鹿苑院殿義滿應永五年二月奉宣書文同此但諸國鄉名差有異同美作國倭文庄河内庄便補保云々又大永元年十二月岩屋城主中村大和守則久輸調錢百八十貫以易神稅其書出縣邑部文錄末慶長初神領初沒逮本源公牧州百廢具興復寄附資料若干以充競馬會今每會神官爲太守設度焉几競馬之名皆以各庄命此第一馬爲倭文第二馬爲金津次序如左

美作 一 倭文 加賀 二 金津 播广 三 安志

能登 四 土田 阿波 五 福田 美濃 六 脛長

近江 七 舟木 若狹 八 宮川 淡路 九 淡路

出雲 十 出雲 備前 十一 竹原

其餘九疋無定名每年當祭神官等以諸庄之料物辨之備員普當聞之關目富野二人皆加茂部也 因錄此

附 糺神社 在大宮傍社亡總境内東西八十間南北十一間

中宮 在桑下村境内東西二十間南北三十間

天神社 在戶脇村此村氏神而倭文五社之一也祭九月十三日境内東西五十間南北廿五間

七森神社 在油木上村境内方十七間祭九月九日同處有異石高一丈五尺周二丈石頭有穴状如口向北俗曰昔出雲國某郡頻年穀無實鄉里患之異僧告曰美作國倭文庄有石神常來食禾不除石生月永弗止於是鄉人群來求神果得此石一人揮斤而擊此人乍仆且死石根紫血湧出驟而雷雨書窈冥雲人大怖逃去至今石根有穿掘之跡

西宮 在同村嘗倭文領主藤原某勤請攝州西宮境内方十間

倭文神社 在油木下村倭文五社之一也今稱七津明神者謬也蓋倭文繩名訓志登利或志都利或志都以其音似遂訛書曰七津祭九月十三日奉神輿於幣山事見大宮下境内東西五十三間南北六十三間

兒神社 在油木北方村倭文五社處其一也福田上村下村油木上村下村北方村以倭文兒兩社爲氏神氏人交雜古者倭文五社各有社領至今田畝之間處々名神田者多祭同上境内東西二百間南北四十間

高津神社 在里公文村倭文五社之一而此村氏社也祭同上境内東西二百間南北百間間郡令立傍

高 津 宮

久米郡里公文村

此宮山江入込木下草に至まで伐採事堅令停止之者也

貞享四年正月日

高井太郎左衛門

刀八神社 在中山手奥村此村氏社也天正十四年十一月江原兵庫助修造之刀八或作十鉢有俗說略之祭九月十日神官奉神輿神旗獅子神劍等列派出几神器頗多大般若殘簡皆應永年中書寫之本也境内東西四十間南北五十間 [附 攝社大藏詞在同村又有鎮守大谷權現祠]

湯田八幡宮 在中山手里村此村氏社也相傳從宇佐勤請之天正年中江原兵庫助再興事在梁牌祭八月十五日境内八十六間倭文神社五社加當社及十鉢社德尾社曰倭文八社

妙見社 在山手公文北村境内東西十八間南北十六間 [附 天王大歳山尾山祇貴船荒神等祠竝在同村]

近真神社 在山手公文南村境内方二十五間 附常次延兼正時守安實滿篠山米山等皆有民社

德尾神社 在奧山手村芦田氏某修之祭九月十五日境内東西四十間南北五十五間

築瀨神社 在同村境内東西三十間南北四十間有大般若經殘編卷末書曰明德三年孟春大願主美作州大庭郡上河内庄皂澤庵住持比丘昌乾 附山祇荒神八幡等祠有同村

道祖神 在久米大庭之郡界無祠石爲神座石長十六間石端瞰水名同祖岩或曰界石

(以下、郷外他庄関係記事の爲省略)

久米郡北分寺院部

天台宗

神實山慈恩寺

神實山慈恩寺者在桑村距府二里貞觀年中慈覺大師草創也中世兵革之頃成密宗之場寬永四年住持尊順始復台家舊左驗曰

夫美作國慈恩寺者慈覺大師恩草創山門末流台家之脈譜云然近年亂入之砌隨真言之門下捨新改古尋源欲繼天台血脈誠以神妙至也彌自今以後天下靜謐國家安全可致御祈禱者仍執達如件

寬文四年

山門執行探題

丁卯霜月日

天海大僧正

美作國慈恩寺

本堂 本尊正觀音春日作脇士不動毘沙門此堂天正四年五月江原兵庫助久清同又四郎親次修造之

鎮守 山王巖現

什物 不燒不動繪一幅弘法筆坐論不動繪一筆智證筆

寺產 五十石公券如左

爲當寺領高五十石事敷地并山林共任先規令寄附訖全不可有相違者也

元祿元十一月朔日

御判

慈恩寺

右長成公券本源公券亡失慶長九年住持尊順始拜產

本寺 延曆寺法流惣持房

境内 四至在別卷制札曰

久米郡桑下村慈恩寺

當寺山林において竹木枝葉下草に至迄伐採事堅令停止之者也

貞享四年正月日

高井太郎左衛門

江部山善福寺

當寺者在里公文村昔郡肩野氏被盜荆害且死謂妻曰吾不能起汝年尚少勿寡居妻泣曰君遭不慮固是命也妾蚤訣君亦是命也惟命之隨吾奚他他適便裁髮示無異志逮夫卒成尼捨宅爲寺善福寺是也故以俗名婦寺有涅槃像彩繪甚壯麗傳爲烈婦所投焉一說大江氏建立故地名江部不知就是矣

本尊 阿彌陀行基作

鎮守 山王嚴現

本寺 延曆寺法流惣持房

境内 東西六十二間南北廿八間

(以下、郷外他庄の三寺関係記事の爲中略)

河原儀山眞光寺

當寺者在福田下村距府二里餘承和元年建立也昔朱雀院時民部僧正者竄作州一旦威靈異勸請妙理權現薰修想觀彌十旬忽九萬八千軍神現卓四面云今鎮守祠是僧正所立也中興檀信曰大江行經爾來世爲大江氏之護寺

本堂 本尊藥師如來十二神

鎮守 白山權現

境内 東西七十五間南北百三十間

(以下、郷外他庄の三寺関係記事の爲省略)

真言宗

二上山兩山寺

當寺者在大坵和東村距府三里半有緣起其文如左

作陽城西南久米北郡坵和鄉二上山兩山寺歷世遼去未詳其來由也今竊摘遺錄撈舊聞推以原其開基曩昔傳教大師適臻此州相二峰巍々始建法基遂爲臺門繁榮之地也厥校所以設名者一氣既動而生而儀有乾坤有陰陽人有男女獸有牝牡翼有雌雄神有內外二道法有臺金兩界一巒備兩峰之形體者天地自然之妙容也故山名二上山寺曰兩山寺可謂得其名也且安置二佛爲本尊一正觀世音菩薩埵也一彌陀善逝也二山現二尊欲導現未二途暝暗其意深哉又別建大明神之寶殿爲此山鎮守蓋明神者本地釋牟尼佛也其後回祿靈賣靈物舊記綠記一時消滅矣爾來星霜已移丹青消痕是以世人不識爲靈跡矣時哉有密宗之僧來而住此續絕興廢寺院再成嶺頭遠望滿眼衆山恰如平陸南看備之海水北候伯之大山西連峻岳之堆東窮播之邊境坐無市塵騷步伴飛歸從是以降恭敬三寶修得真密而造次顛沛無怠慢縑素一登而直得當然之善所長締向來之勝緣矣庶幾知茲山不凡而令法水流不朽燭光挑無窮也仍振毫以備後觀矣寬文十三年歲在癸丑八月日作州太守源朝臣四位侍從森氏長繼臣井上氏重政奉進焉

普嘗登此寺僧所口說少異綠起其說釋空海歸朝後詣出雲國杵築社歸路館於作州驛半夜韋冠廳眉之叟立戶外呼海曰我有福地非常人所造需子來既尚焉行矣海異而從行巖壁巖嶢棘葦途漸陟絕頂四顧空豁殆非人境又有巖洞中持觀音呪者叟喚之其人輒出骨堅髮鬆貌如鬼謂海曰斯山曰二上兩峰竝秀現金胎之狀觀音大士遊嬉之地而實南瞻之寶窟也是以魔魅惡之驟爲妨礙然而叟能鎮護戢之時也既至子當起寺而興隆佛法我曹扶助叟是二上鎮守武甕槌命吾越之秦澄法師也俄然失所如海大喜以適冥旨於是創法基二峰之徒各構堂宇因名二上山兩山寺其後顯密二家之徒雜處法燈大熾中興曰天野和尚良尊永祿八年火災至此一峰始亡堂礎及山王權社跡尚存焉前後二說並採以廣異聞矣

本堂 本尊正觀音彌陀故像昆首羯磨永祿災燒失及藥師堂本尊浮屠本地大日金剛神二軀鎮守明神本地釋迦之像白山權現本地普賢之像護法神本地文珠之像等皆傑作同時悉亡

附 本堂鰐口銘曰奉施入兩山寺本堂正平十八年癸卯十一月日大願主僧祐明藥師堂 在本堂東本尊新佛

鎮守祠 在本堂北号八頭大明神祭武甕槌命祭八月十五日按大和國二上嶽座豐布都靈神社亦名武雷命今本州之二上山指鎮守爲武甕槌命者信以有因亦役小角自葛城山二上嶽至金峰山令山神架石橋久米石橋是也此方二上山在所曰久米郡山上有天石橋爲山神所造山麓有葛木權現社彼此相似者豈夫無故哉

末 社

護法堂 建治元年七月十日僧定乘於鎮守廟言護法神詫寺僧書爲軸号護法詫宣率千數百字皆不經之言也相傳昔有山鬼名曰三郎房養勢常爲佛敵護法神怒執縛之自後誓不復住山又山下有護法松往日法樂之日寺山某來見會將央護法之尸奮然起而攫捉寺山蓋因其不潔也寺山勇悍相撲接峻崖嶮阪轉而下二人共死因合葬其地後人植松爲標名護法松

附 白山龍王荒神貴船鹽神等小祠皆在鎮守四面

辨財天祠 當山四方中央有瀑泉曰之五方瀧中央瀧安辨天祠

秦澄大師墓 在山頂嘗遇空海之處

天磴 本堂西北五町許有古下乘石從是北上三町有鬼棄石此處曰天磴又兩山之間有鹽場池或名龍智水行法人取潔雨暘歲并和五箇村民禱請亦於此
合院 往昔有廿四房皆廢故跡尚存今見所在者六房連乘院藥師院西谷房遍照院中房東房是也

什物 十三佛畫一幅唐筆

七條袈裟一領花綾浮紋裏書曰施主但州美含郡帝釋寺竹中房覺隆大永元年辛巳五月日

寺産 二十石公券如左

爲當寺二十石敷地辯山林共令寄附畢全可有領知之狀如件

慶長十六年八月十八日

御 判

兩 山 寺

右本源公券本書前住快宥失之

爲當寺領高二十石事敷地辯山林先任先規令寄附之訖全不可有相違者也

元禄元

十一月朔日

御 判

兩 山 寺

右長成公券

本寺 高野山随心院

境内 東西廣南北狹四至在別卷制札云

久米郡大埴和村兩山寺

當寺山内におゐて諸木枝葉下草に至迄伐採事堅令停止之者也

貞享四年正月日

高井太郎左衛門

金龍山江原寺

當寺者在中山手里村去府四里半江原氏菩提道場也初江原兵庫助親次仕宇喜
多中納言領倭文庄内會在中山手寨後於大庭郡承加封仍遷於篠向城文禄已後
從黃門于朝鮮役兩次慶長三年五月十七日患痢卒于釜山浦無嗣而絕親次平昔
欽歆佛乘瀕死曰我終速燒骨灰送瘞之本邦高野山彼山櫻池院龍海有法契事皆
委海又食邑中山手有父祖之墳墓立一字於此地以安我牌言已而逝家士原森屋
喜多國米遠藤黑瀬等持喪而歸胥議皆率遺命此寺既成乞號於龍海海命以金龍
山江原寺蓮光院含淨金居士〔普見龍海贖書江原寺源當作原蓋取名于氏海偶
書江原者歟抑又江興源互取義歟未詳之〕親次又以幻住庵主存悦爲法友共悦
聞訃大悼爲置牌號瑞剛院前武庫少令風巖等波居士

本堂 本尊大日如來弘法作古來邑有大日堂置此像及江原寺成徒本尊於脇士不
動毘沙門

本寺 高野山高祖院

境内 東西八十八間南北四十二間

(以下、郷外他庄の三寺関係記事の為中略)

禪 宗

夢中山幻住寺

當寺者在山手公文北村距府二里曹洞宗也此山元名髻山其地狀碧翠盤旋如美
髻然故得名相傳曩日西竺有一優婆塞修行通神嘗截其髮髻拋空遙向東去願曰
此之墜處有大力勢人當起伽藍既而墜此山果逮平城帝馭寓國司某嘉厥勝境創
建一基元弘初後後醍醐帝蒙塵隱州宿蹕院庄帝宵夢於旅舍中興老比丘語及時
論比丘慰諭曰遂浪瀾漫龍樓爲動然帝濟舟楫者海內威然且帝仰觀世音堅篤護
衛有憑何患不復九五哉帝問名荅曰髻山僧倏放光明而去帝目送之影入翠巒恍
然夢覺芬香馥郁着座不熄帝且怪且喜焉旦一日視南峯秀碧當御座者宛然夢中
所見也召人訊之應髻山帝威滋深輒勅遣使參詣後年重祚之日追思昔夢賜夢中
山之号且敕州牧令整修堂宇封以良田於是寺僧因山号号寺幻住禪庵近來改幻
住寺

本尊 正觀音

鎮守 天照大神熊野權現

本寺 舟木山洞松寺在備中

境内 東西四百八十間南北四百二十間

自是以下未改草稿

初當寺文簿尤多近來頗喪散長尾勝明軸其美者若干寄與之庵主軸尾書云
夢中山幻住禪寺本号髻山一州勝境也永正十七年岩屋之役舊紀分離明歲江原
和泉守佐次幸贖得主山之書八十九封於播州再爲寺搖矣至永祿天正之間鼓鼙
荐震於是寺院日毀文書亦隨而殲也今撫存者若干篇修韞藏之以投現住月岑鳴
呼九原不可起續佐次者夫誰歟元祿庚午六月甲子作陽執事長長尾隼人勝明誌

[欄外注記]

校者曰以下本文屬未定稿云或然比之前文見字句稍不妥因少如修正以校了故
生興普通本不同觀者諒焉

(以下、郷外他庄の十寺関係記事の爲省略)

久米郡北分古跡部

倭文庄

山手倉廩 在奧山手村收納奧山手村中山手里村山手公文北村同南村租稅量時
輸大阪

松山 在同村地名此地有紙師造山手紙近來差少凡山手鄉紙師隨處有之

附 山手烟草亦闔境土產也

真子興一兵衛墓 在山手公文村打木澤真子者岩屋城主中村大和守將也嘗興江
原兵庫相戰死之村民就其地葬之

長者屋敷 在同村佛潭傍昔鄉里有人事親孝家貧無擔石之儲素奉佛乘日來佛潭
課誦普門品若斯者既三秋一日忽見石間有光索之獲金雛一雙終爲豪
家俚民因名長者屋敷

清水山祥雲寺跡 在里公文村古老相傳此寺弘法開基本尊千手觀音靈應多端赤
松氏世奉尚之嘗列官寺產若干堂宇壯麗冠一郡寺內有剩水假
山弘法所造云而今盡陵夷余嘗於京師仁和寺書庫見此寺文書
二章華押未遑考並附此

美作國倭文庄內祥雲寺事爲祈禱所上者諸公事所免除也仍如件

嘉吉二年卯月二十一日 (花押)

美作國倭文庄領家祥雲寺諸公事課役等自今以後悉可令免除由被仰下也仍
狀如件

文安五

二月十一日 沙彌 (花押)

倭文次郎殿

寺庵跡 里公文村寺庵跡多所謂西光寺中光寺圓宗寺般若寺光雲庵眞光庵松林
庵或密或禪今皆亡一寺一庵之中又有數名如西林房遍照房藥師房是也
今成田疇之名

屏風石 在同村同所有鞍懸石盲女石

常源庵跡 在福田下村禪室蹤也

谷堂跡 在桑下村來由不詳

密藏院跡 在同村

達摩堂 在度脇村堂今亡傍有藥師堂

經塚 在同村帑屋畝

江原兵庫助別墅 在同村封内有塚名七人塚

一塚 附 七塚 在同村兩墳相並不知其由

川原屋敷 在神代村浮田中納言秀家將川原四兵衛信基舊宅也四方有塹同村五

輪山側有方池俗謂信基馬冷水

退休庵跡 在同村夢中山幻住寺末庵也石佛石塔等尚存

極樂塚 在同村昔人墳也又經塚早歲霽此

(以下、郷外他庄の古跡関係記事の為省略)

The End of Digital Re-mastering Version.

Copyrights All Reserved by Mignon M. Mazda 2005